

## Kuranko - Kisi-koe Yehowata Kitabu - Salvation Scriptures

Efesa 2:2 Wo bilane duninya ke kila-yogomenu fe wo wati le to. Ni-yogo-senbe-tigi min bi wola minse ro, wo ya wo leta kile bira. Ado ni-yogo kelan wo ye kun-tigiyé kela Yehowata kuma-birabelenu kun na kaka.

Matiyu 6:10 Ila mansayé ni na ma kuma. I sako ni ke duninya ro iko a ye kela Arinyeni to nya min.

Luka 22:42 A ko, "N fa, ni i si son, troye ke bo n kuma kono nde sako ma de, fo ile sako."

Yoni 16:7-9 Konon bi tonye le fola wo ye, ni n tara, wo si fisaya wo ma bawo n bi min sola wo denben tine, wo si na wo wara. Ni n ma ta, a ti na. 8 A wa na tumé min, a si hake anubé ko-latelenné yira duninya-mogénu na. Ado a si a ma, anu ni a lón Yehowa si mogé bee kiti nya min. 9 Anu ma la nna kumé la min ke, anu si a lón woro ko anuta hake folé le wo la.

2 Timoti 2:10 Wo le ya a to, n bi n muinna koe bee kó Yehowata mogé yabonénuna ko la. Yisa Kirasiti ni anu fanan kisi alako anu ni sigi Yehowa fe habadan gbiliye ro nya min.

Romu 15:20,21 Mogé ma Kirasiti togo fo kan min we, a sogé ya n bira ka kibara-nyimé lake nyó bee ro. N kana nna bon so mogé gberela bon-kurukéné kuma. 21 Wo ma-sogé ye n na iko a sebene Yehowala kitabu ro nya min ko, "Yehowa wara-koe ma fo minnu ye, wonu si a yen. Minnu ma a wara-koe lamoen be tele kelen bereni, wonu si a nya-yen."

Kewolenu 2:36,37 "Nba, wole Isirela mogé bee ni a lón serr, ko wo ya Yisa min gbangban koloma ma, Yehowa ara wo le ma Mari anubé ata Mogé Yaboné la gbe!" 37 Mogénu ya wo lamoen tumé min, wo ya anu yisi togo dögoma ma de! Anu ya a fo Pita anubé Yisata kilaye doinu ye ko, "Ma na kelen nyogénu, ma si nfen ma gbe?"

Hiburunu 4:2 Male fanan bara kibara-nyimé lamoen iko anu denu. Anu ya karan wo lamoen konon wo ma ko-wo-ko nyinya anu ma bawo anu ya a lamoen tumé min, anu ma la a la nun ko Yehowa si a ma, anu ni anu sulen.

Yeremaya 24:7 - Matiyu 22:37 Yisa ya a yabi ko, "A sebene ko, 'I ni ita Mari Yehowa keni i yisi bee la anubé i sondome bee la anubé i henkili bee la.'

Kewolenu 16:14 Kelen bi anu to min ya mala kumé lamoen, a togo Lidiya. A nara ka bo Tayataira soe buro. Kura-bilolamé yila le. Ado kure wo de gbele. Ma Mari-Yehowa-batole le musi wo la. Mari ya a yisi laka alako a ni a tole maso Polita kumé la.

Matiyu 13:14-16 Nba, Nebi Aiseya ya wóleya-kumé min fo anuna ko ro, wo ara kanbali. A ko, 'Mogé kenu si anu tole maso ha konon anu ti ko nya-yen. Anu si anu ye lakalan ha konon anu ti fen yen. 15 Fan do ara sa mogénu miriya ya ma. Anu bara anu tole gbere. Anu bara fan sa anu ye ma alako anu kana na ko ragbe anu ye la. Anu kana ko lamoen anu tole la. Anu kana ko nya-yen anu henkili la. Ni wonu ma ma nun, anu si anu ya-lamunun nde, Mari la anu nakendeyá koe la.' 16 "Konon here ye wole fe beréké! Wo yenu bi fan yenna. Wo

tolenu bi ko lamœnna.

Aiseyala 6:9,10 - Kewœlenu 28:27 Fan do sanε mœgenu miriya-ya ma alako anu kana ko nya-yen. Anu tole gberenε alako anu kana na ko lamœn. Fen sanε anu yε ma alako anu kana na ko ragbε. Ni anu ya fen yen ka ko lamœn nun, tumado fɔ anu ba anu ya-lamunun n na anu nakendεya koe la.' "

Maraka 4:11,12 Yisa ya a fɔ anu ye ko, "Yehowala mansayε gbundu-kohenkilimayε dira wole ma. Kɔnɔ n si a fɔ doinu ye tilinu tɔ. 12 Woletɔ (iko a sεbεnε Yehowata kitabu rɔ nya min), 'Anu si to fan yenna kɔnɔ anu ti a ragbε. Anu si to anu tole massɔla kɔnɔ anu ti a nya-yen. Bawo ni anu ya ko ragbε ka a nya-yen, anu si yεlema Yehowa wara la. A si anu makoto worɔ.' "

Yoni 12:39,40 Wola ko la, anu ma ke lala a la bawo Nεbi Aiseya ya a sεbε fanan ko, 40 "Yehowa ara anu fiyonya alako anu kana fen yen. A ara anu yisi gbεleya alako anu hεnkili kana ko nya-yen. Wo le si a ma, anu ti na a wara anu nakendεya koe la."

Romu 11:7,8 Nba, koe minnu bara ma, n bi wonu denu fɔla wo ye. Isirεla mœgenu bi telenbagayε min nyinina Yehowa yala nun, anu ma wo yen kɔnɔ minnu ya wo yen, Yehowa ya mɔgɔ dande le dɔrɔn yatɔnbɔn anu tɔ. A toenu tole gbεleyara Yehowata keleli ma. 8 Iko a sεbεnε Yehowala kitabu rɔ nya min ko, "Yehowa ya anu yisi anubε anu hεnkili rafaga. Ha bi, anu ti ke fen yenna anu yε la. Anu ti ke ko lamœnna anu tole la."

2 Tεsalonaika 2:10,11 Minnu bi nala halakila, a si yanfa-yogomε su bεε don wonu ma min si a ma, anu ni halaki. Wonu si halaki bawo anu ma tonyε bira. Ado ni anu ya tonyε keni nun, anu si kisi worɔ. 11 Wola ko la, Yehowa si kɔndɔfili-belebele lana alako mœgenu ni la foninyε wo la.

Matiyu 13:18-23 "Nba, wo ni wo tole masɔ alako wo ni sugu-fuilεta tili kɔrε lɔn. 19 Minnu bara Yehowala mansaya-kumε lamœn ado a ma a nya-yen, wonu mani de iko sugi min buira kile fε. Min fuitra a yisi rɔ, Setanε si na worɔ ka wo fɔrɔn. 20 Sugi min fuitra fara kole ma, wo mani de iko mɔgε min bi kumε lamœnna ado a si a bira sewε la tiriya! 21 Kɔnɔ a ma don a yisi rɔ bεrεkε! A ti mε a rɔ. Nba, tɔrɔyε anubε gbεleyε wa na tumε min kumε wola ko la, a si a boloka tiriya! 22 Sugi min buira wɔnεnu tεma, wo mani de iko mɔgε min bi kumε lamœnna kɔnɔ duninya-hɔn-koe anubε nɔnfulu-keni ya a ma, kumε wo fagara a yisi rɔ feu! A ti gbo hali! 23 Sugi min buira dugu lamone rɔ, wo mani de iko mɔgε min bi kumε lamœnna ka a nya-yen. A si gbo. Do si kεmε kelen bɔ, do bi-wɔrɔ, do bi-sawa."

2 Kɔrenti 3:15,16 Ha bi, anu ba Nεbi Musala tɔn karan tuma-wo-tuma, fan do ye anu hεnkili yamatogonna. 16 Kɔnɔ mɔgɔ wa yεlema ka bila Mari fε, fan wo si bɔ a hεnkili ma.

Hoseya 11:3-7 - Matiyu 11:28-30 "Min bεε ara bandan ala dunu gbilimε kɔrɔ, wo ni na nde wara. N si sulen di wo tigi ma. 29 Wo ni nta dune bi ka wo sa wo kuma. Wo ni karan nde fε bawo n dinyane, n famayigine. Nba, wo si wo sulen worɔ. 30 N si dune min di wo ma, a ma gbili. Ado n si dune min sa wo kuma, wo fε kat!"

Kewœlenu 26:18 I ni anu yε laka alako anu ni bɔ pinpi rɔ ka anu nana waan rɔ. I ni anu bɔ Setaneta sεnbe kɔrɔ ka anu nana Yehowa ma alako anuna hake ma si koto anuna dεnkeninyε fε nya min. Anu si anuna sɔ tine sɔrɔn Yehowala mɔgɔ

yabɔnenu tɛma.'

2 Timoti 2:24-26 Marita wɔli kɛlɛ kana kɛlɛ ke fɔ ka ko-nyime ke bɛɛ ye. A ni ma karan-mɔgɔ-nyime la min si a munyu mɔgɔnenu kɔrɔ. 25 A dinyane ni a sɔɔcɔnenu natelen. Tumado, Yehowa si fere di wonu ma ko anu ni tubi ka tonye lɔn. 26 Wo kɔma, anu si hɛnkili sɔɔrɔn alako anu ni bɔ Setanɛta gbere la nya min. Bawo Setanɛ ara anu bira ko anu ni ale sako ke.

Lankɛnimaye 3:17-19 Wo ye wo kɔgɔ rakala ko nɔnfulu-tigi le wole la. Wo ko wola nɔnfuli ara wara. Wo ko wo makoe ye min bɛɛ la, wo ye wo bolo. Kɔnɔ wo makinikinie nya min wo, wo tɔrɔne nya min wo, wo ma wo lɔn feu! Wo bolo-kolɔn gbe! Wo fiyonyane. Kura sa wo ma. 18 Nba, n bi wo makawandila ko wo ni sene-nyime san n ma alako wo ni ma nɔnfulu-tigi-bere la. Wo ni duruku-gbɛ fanan san n ma alako wo ni wo nyere raben ka wola gbu-makolonye yamatogon, ado miliya-koe le wo la. Wo ni bɛɛ do san n ma fanan min si ke wo yɛnu ma woletɔ wo si fen yen. 19 Min bɛɛ di n ye, n si wo tigi makuma ka a kolo. Nba, wa wo raya ka wo kɛ-nya yelema ka wola hake boloka.

2 Korenti 7:10 Yisi-lafinye min bɔnɛ Yehowa bolo, wo si na yisi-yelema la, ado wo si a laban kisi-koe ma wo bolo. Wo ti mɔni wo rɔ mumɛ! Kɔnɔ hadama danta yisi-lafinye si a laban saye ma.

1 Mansa 18:37 - Yehowa turn heart back to Yehowa.

2 Korenti 4:4 Setanɛ min bi duninya ke kun na, wo ara a ma, anu ma ke lala Yisa la bawo anu yisi ara to pinpi rɔ. A ya a ma, anu ti ke kibara-nyimeta waan yenna min bi malanna anu ye. Ado kibara-nyime wo ye Kirasitita gbiliye kela ko la. Yehowala muninye nyere le ale la.

Luka 8:11-15 "Tili ke kɔre le ke la. Sugi wo, Yehowala kumɛ tamasere le wo la. 12 Mɔge donu manɛ iko sugi min si bui kila kole la. Mɔge wo si a lamɔɛn kɔnɔ a wa a lamɔɛn nya min, Setanɛ si na worɔ ka wo fɔrɔn a yisi rɔ alako a kana dɛnkɛninya a ma ka kisi. 13 Sugi min fuira fara-gbaran ma, wo mani de iko mɔge min bi kumɛ lamɔɛnna ado a si a bira sewɛ la tiriya! Sugi wo ferenta kɔnɔ a ma ke a suli yigila. A dɛnkɛninyara wati-kundunɛ kɔrɔ kɔnɔ magberenke nara tumɛ min, a ya ala dɛnkɛninye boloka. 14 Sugi min buira wɔnenu tɛma, wo mani de iko mɔge min bi kumɛ lamɔɛnna kɔnɔ duninya hɔn-koe anubɛ nɔnfulu-keni anubɛ duninya diyana koe su bɛɛ ya a ma, kumɛ wo fagara a yisi rɔ feu! Ko ti bɔ ala dɛnkɛninye rɔ hali! 15 Sugi min buira dugu lamɔnɛ rɔ, wo mani de iko mɔge min bara Yehowala kumɛ lamɔɛn ka a lamara a yisi nyime rɔ. A si to ala kumɛ birala ha a si gbo.

Kewɔlenu 15:11 Male ara dɛnkɛninya Mari Yisa ma nya min, anu fanan bi wo nya na le. Ma bɛɛ kisine Mari Yisata hine fe."

Romu 8:13 Ni wo tora ko ladanna iko wo kɛ-nyanu bi nya min, wo ye fagala le. Kɔnɔ ni Yehowata Ni Sɛnime ya wo dɛnbɛ ka hake koe faga wo rɔ, wo si ni-bere sɔɔrɔn serr!